

Tatou faiga faavae tau soifua maloloina ma auaunaga i le tino ma le mafaufau e lē o malosi atoatoa Tagata Pasifika

E maualalo le umi e soifua ai tagata Pasifika faatusa i isi tagata o isi atunuu ma e maualuga atu le toatele o tagata ua maliliu ona o tulaga sa mafai ona foia e faatusa i le fua faatatau masani. E lē i lava atoatoa ona faatino e la tatou faiga faavae tau soifua maloloina galuega e faamautinoa ai o loo maua e tagata Pasifika taunuuga tau soifua maloloina e tutusa lava ma isi tagatanuu Niu Sila.

O ā mea ua suia nei? Aisea?

O le tele o se vaega e toefuataia ai le faiga faavae tau soifua maloloina o ni suiga tetele, ma o ni suiga lelei mo tagata Pasifika e auala atu i faiga nei:

- faafaigaluegaina se taiala malosi faapitoa mo tagata Pasifika i totonu o le Matagaluega o Soifua Maloloina, latou te taitaia se taiala faataatia fou mo le soifua maloloina o tagata Pasifika, ma faamautinoa ai o loo mulimulitai le Health New Zealand i se taulaiga faapitoa i le soifua maloloina o tagata Pasifika
- faamalosiaina finagalo o tagata Pasifika, ma faamautinoaina o loo atagia i le taiala aoao manaoga o tagata Pasifika ma tulaga o loo ave i ai lo latou faamuamua
- saunia le tele o auaunaga e faavae malosi i manatu faa-Pasifika ma faiga ua latou masani ai i tulaga tau le tausiga.

O le a faapeī foliga o lea faiga faavae fou i le lumanai?

O le a mafai e tagata Pasifika ona faataatia faiga o le a faataunuaina ai tausiga i auaunaga mo uluai tausiga tau le soifua maloloina i nofoaga e lalata i afioaga o loo alaala ai, faamautinoaina o loo maua le tele o auaunaga e ausia ai o latou manaoga, ma ia tele auaunaga ua atiae e tagata Pasifika mo tagata Pasifika.

I lona tulaga aoao, o le a galulue faatasi le Matagaluega o Soifua Maloloina ma le Health NZ ma taitai i auaunaga tau soifua maloloina mo tagata Pasifika e faailoa faiga aupito sili ona lelei ma faamautinoa o loo faalauaitelina faiga nei i totonu o afioaga ma auaunaga, faatasi ai ma tomai faapitoa ma taitaiga a tagata Pasifika. Taulai e faaleleia taunuuga mo tagata Pasifika ma o se auala lea o le a vave ai ona faaleleia le lelei o tausiga ma taunuuga tau soifua maloloina.

O le ā le isi laasaga?

O faatalatalanoaga ma tagata Pasifika o se tasi lea o vaega o faamatalaga auiliili i le faataatiaga o galuega mo le faiga faavae fou tau soifua maloloina, e aofia ai vaega e pei o auala e siitia ai le sao o tagata Pasifika i galuega faatino a le Health NZ ma le Matagaluega o Soifua Maloloina.

E te fia iloa atili?

Mo nisi faamatalaga e uiga i galuega ma tulaga ua ausia mo le toefuataia o galuega tau soifua maloloina, tagai i le upegatafailagi a le DPMC i le itulau o loo ta'ua ai galuega a le Transition Unit:

www.dPMC.govt.nz/our-business-units/transition-unit.